

欽定科場條例

三才圖會卷十五

鄉會試藝

現行事例

一鄉會試制義。每篇俱以七百字爲率。違違不錄。

一文字內概不許作大結。

一首場制藝以

欽定四書文爲準。有錄取輕僻之作者。磨勘官據實立奏。如有剽竊異端邪說。及闢入子史文集。不全

經書立言之旨者不得取錄。

一制義務期清真雅正。不許離却題義。摭拾書中怪僻之語。以炫新奇。

一制義內有於五經外徵引僻字者。不得取錄。

一經文遵奉

御纂四經。

欽定三禮及用傳註爲合旨。其有私心自用。與泥俗下

講章。一無稟承者。概置不錄。恐者識處。

一士子對策。不許援引。

本朝臣子人品學問。違者不錄。案載考官出題門。

例案

順治二年定。文有正體。凡篇內字句。務典雅純粹。不許故摭一家言。飾爲宏博。

順治九年題准。說書以宋儒傳註爲宗。行文以典實純正爲尙。今後督學將四書五經。性理大全。衆引存疑。資治通鑑綱目。大學衍義。歷代名臣奏議。文章正宗等書。責成提調教官。課令生儒誦習講解。務俾淹貫三場。通曉古今。適於世

金史卷一百一十五
用。其有剽竊異端邪說。矜奇立異者。不得取錄。
康熙十六年議准。鄉會應試諸生文字內。概不
許作大結。

雍正十三年奉

上諭。嗣後一切章疏。以及考試詩文。務期各展心思。獨
抒杼軸。從前避忌之習。一概掃除。尤宜禁者。鄉會兩
試考官。每因避忌字樣。必擇取經書吉祥之語爲題。
遂使士子易爲揣摩倩人代作。臨場抄寫。以致薄植
之少年。得以倖取科名。而積學之老生。無由展舒底

蘊嗣後凡考試命題不得過於拘泥使士子殫心用意各出手眼以覘實學欽此

乾隆九年議准嗣後鄉會試及歲科試應遵

欽定四書文爲準如有錄取輕僻之作者聽磨勘官據

實叅奏

乾隆四十三年奉

上諭文以明道自當以清真雅正爲宗曾諄諄訓諭而文風總未能醇蓋非一朝一夕之故本年會試闈中進士前十名卷朕詳加披閱文體較爲純正尙不失

制藝之本。發榜後。詢之大學士于敏中。據奏近年風氣。喜爲長篇。又多沿用墨卷。膚辭爛調。遂爾冗蔓浮華。卽能文者。亦不免爲趨向所累。等語。士子平日殫心經術。探討古文。及時文諸大家。以立其體。作文尤須體會先儒傳說。以闡發聖賢精蘊。獨出心裁。屏除習見語。其文自然合度。何必動輒千言。因陳不察耶。昔陸機云。要辭達而理舉。固無取乎冗長。韓愈云。惟陳言之務去。二語實文章正鵠。士子宜深味其言。嗣後鄉會兩試。及學臣取士。每篇俱以七百字爲率。違

者不錄。其庸熟墨派。悉行剔除。又或過爲新奇。墮入
牛鬼蛇神惡道。尤在所澄汰操觚者。慎毋掉以輕心。
司衡者各宜示以正軌。務期風會蒸蒸日上。以副朕
崇雅黜浮之至意。將此通諭中外知之。欽此。

乾隆四十五年議結江南等省鄉試卷內江南
第一名顧問第一場三藝純用排偶。於文體有
關。所有該省正副考官業經遵

旨交部議處。至本年除首藝未經點題。係文內疵謬。止
罰一科。但三篇全用排偶文理雖屬通順。恐易

開浮華之習。應從重合併議處。罰停會試三科。其閱薦之房官亦請交部議處。

乾隆五十五年。太僕寺少卿戈源奏准磨勘試卷。抽閱第一名進士朱文翰墨卷。見其書文。第三藝內有寸衷。噩沒孤行之語。恭查康熙字典。噩音密。爾雅釋詁。噩沒勉也。注云。噩沒猶黽勉也。徵引雖有出處。實非古句全文。且制義有制義之體裁。猶之墨卷楷書。不得兼寫篆隸。似此攙雜難字。立爲矜奇勢致。羣起效尤。日趨詭僻。

不但文體非宜。尤恐暗藏關節。在本科主試大臣聲名素好。未必卽有關通。而日久弊滋。誠不可不防其漸。請

勅下衡文諸臣。嗣後科場四書制義。有於五經外徵引僻字者。雖出古書。概不取錄。庶文體藉以釐正。而弊竇亦可杜絕。

乾隆五十七年。覆勘大臣紀昀等奏。准查考試春秋向用胡安國傳。而胡傳一書中。多有經無傳。臣等細查通部。可以出題之處。不過數十卽

如本年鄉試。竟有一題而五省同出者。其三四省相同。不一而足。士子不讀金經。不知本事。但記數十破題。便敷入試之用。且胡安國當宋南渡時。不附和議。作是書以諷高宗。而斥秦檜。其人品自屬剛正。而借經立說。與孔子之意。不相比附。恭讀

聖祖仁皇帝欽定春秋傳說彙纂。駁胡傳者數十百條。御製文曾關其說。而科場所用以重複相同之題。習偏謬失當之論。殊覺無謂。應請嗣後春秋題。俱以

左傳本事爲文。參用公羊穀梁之說。在三傳親承聖教。既較三十年後。儒家之論爲得其真。而士子不讀左傳。不能成文。亦足以勸經學而裨文風。

嘉慶十九年。吏科給事中辛從益奏。近來士子希圖詭遇。往往撻摺僻書字句。以炫新奇。不顧題義。如去年鄉試。各省取中之文。隱居以求其志。三句題文。有乘麟以理。駕龍而游。及金策書聖。銀策書賢。玉策書功等語。於題殊爲廓落。又

如冉有曰既庶矣兩節題文抄用鬻子東門曰
虛西門曰塹南門曰疵北門曰側又用漢書郡
國志注夏禹之時民千三百五十五萬三千九
百有二十三周成之時民千三百七十一萬四
千九百七十三等語雖出古書究於本題富教
之義不切文體亦屬支離又如使天下之人齊
明盛服三句題文云昔武王克殷使閔夭進招
華之桂於太廟使伯邑進陽木之薑於羣廟使
南宮适進九江之茵於祧廟按之題義俱爲漫

禮且此數語未見所出惟近人所刻典制文琳
註釋中有之稱係出向書大傳查尚書大傳並
無此語至于編造詞句如山佩幾宮水佩幾羽
詳深衣之度按公侯佩山元玉大夫佩水蒼玉
見于玉藻皆非深衣所有且左徵角右宮羽凡
佩玉皆然不分山佩水佩又如哲相滌山裳按
哲相滌裳古無此事古者山龍繪于衣並不在
裳若此之類不勝枚舉此臣所見闡墨刻行之
文也又如易經垂衣裳而天下治題文用東都

賦盛三雍之上儀一段。查三雍宮立自漢朝。黃
帝堯舜時無之。且原賦云。盛三雍之上儀。修衮
龍之法服。鋪鴻藻。信景鑠。揚世廟。正雅樂。而原
卷抄用。因坊本註釋服字下有音匐二字。遂誤
認爲正文。平爲作鋪。書爲鋪。鋪鴻藻。信景鑠。揚
將世廟。正雅樂。五字截去。又如禮記。非曰豐本
題抄用多識於鳥獸草木之名題文。俱經臣等
出。此臣磨勘分卷所見之文也。又近來士子爭
效王賈心尤伺之。查王尤文體最爲浮靡。其

運用故實。往往換字縮腳。終於唐人鷗鷺。蚪戶之澀體。費人猜想。究其義實爲膚淺。是以

欽定本朝四書文。概不收錄。今乃復取而誦習摹倣之。科名既掇。效尤滋多。遂成風尚。現屆會試之期。天下人才。萃於京師。請

旨預飭典試分校各官。嚴裁僞體。務歸清真雅正。其穿貫經史。書卷紛綸者。固宜取中。亦必文從字順。于題義實有發明。至于二三場體裁。雖無妨稍寬。然徵引淵博。總期于本題有關。庶真才可得。

文體正而士習端矣。奉

上諭。御史辛從益奏請釐正文體。嚴禁懷挾一摺。所奏是。國家設科取士。制藝代聖賢立言。必以清真雅正爲宗。六經皆載道之文。其中並無奇文僻字。凡天地民物之理。包括靡遺。近日士子罔知潛心正學。獵取詭異之詞。撓撓削餽。以艱深文其淺陋。敝習相沿。乖文體。况言爲心聲。尤足覘人器識。士子進身之初。先由詭遇。及試以政事。其餘是非邪正之辨。治亂得失之原。皆懵然不解於心。欲望其通達政體。以聖賢

附載舊例

康熙二十年覆准查條例內前場文章逾五百
五十字者不謄等語。今若照定例恐詞意不盡
若不限字又恐相沿冗長嗣後前場文章限六
百五十字如違限例謄錄取中照例議處。

附載駁案

乾隆五十八年議覆貴州學政洪亮吉奏稱
記陳澧集說本爲科舉起見鄭康成註最爲詳
備請改用鄭註等語查戴聖禮記鄭注最爲近
古然中間祖尚識緯爲後人所譏郝敬且謂其
引據無實則推夏殷異制而逃遁其說節日不
合則游移大夫士庶之間而左右兩可牽強穿
鑿有乖本初孔穎達正義惟鄭之從凡有他說
不復收載宋衛湜集說正以孔鄭專門之學爲
無輯要博考諸家以救其失然卷帙繁夥者
難於誦習陳師集說於鄭注應並採擇大端且

明使於草堂是日與三學官議自金
我疏鄭康成注陳仲惠說雖收如列原經
諸家義各有精推擇其是者而從之未嘗稍
示軒輊誠

聖人之

折衷集禮經之大成也今該學政以春秋改用
三傳援請禮部改用鄭注不知胡安國之傳春
秋附會時事多與經文不相符合是以罷用某
說他如傳注之家或務明義理或專事訓詁此
詳彼畧互有短長但設科取士五經所用傳說
頒行日久多士師守舊學見異弗遷若慕復古
之名紛紛請改是必詩用毛序書用孔傳徒使
士子朝夕更徙靡所適從於經訓學術均無裨
益所有該學政奏禮記改用鄭注應毋庸議
嘉慶十三年議覆御史何學林奏稱鄉會兩試
向來雖三場並重而實以頭場為先乃近來課
中每注意經策填寫長者謂之滿卷以此獲舉
者大約十居六七士處其間欲投時好不得下
寫滿卷欲寫滿卷又苦記誦之難不肖士子惑

寫蠅頭小字。藏衣服什物之中。或私行傳遞。或掉換卷面。甚至預將頭二三場繕就文策。倩人先期帶入。每坐號後。非假餽送食物。即賄屬送軍乘機送入。最為巧便。遂至

殿廷諸試。亦以此術行之。請於收拾號舍。派人查項人等節次防範。試官閱文。經策不必專尚長。則請獎可除等語。查嘉慶十年。欽奉

諭旨。鄉會試三場並設經文策對。原與制藝並重。茲正須先閱頭場文藝。擇其清典雅正合格者。再合校三場取經文之賅洽策對之詳明。自能鑑拔通才。後著考試各官。恪遵定例。先閱頭場。後閱二三場。校薦卷。後搜落卷。務宜恪秉虛公。以冀廣收俊士。

因欽此。當經禮部載入科場條例。一體欽遵。案是士子等。如果頭場文藝不佳。經策亦必難獲售。且經策如果賅洽詳明。則下者亦所必取。如果空衍。雖長書亦不錄。試考官等

士子將原迎合之漸斷無經策

顛可爲杜絕其害之基。則百毒
經策。不尚泥長之處。應毋庸議。

欽定科場條例卷十六

試卷

硃墨卷款式

現行事例

一鄉會試墨卷。以官尺校定。長一尺。寬四寸。爲

準。頭場二場。前空白七頁。起草。

草稿起止處。後印用小紅戳。

紅格十四頁。謄真。三場前空白八頁。起草。後紅

格十六頁。謄真。每頁十二行。行二十五格。硃卷

用寬幅。頭場二場。墨格七頁。三場墨格八頁。每

頁二十四行。行二十五格。其紙色必須一律。

一墨卷卷面及接縫處。順天鄉試鈐用府尹印信。各省鄉試鈐用藩司印信。會試鈐用禮部堂印。硃卷均鈐用彌封官土紅色關防。

一墨卷尾。刷用印卷官紫色戳記。

一鄉會試墨卷。卷面填寫本生姓名年歲籍貫三代。鄉試寫應某年某省鄉試。

一順天鄉試及會試試卷。以四十本爲一束。送入場內。將知貢舉監臨關防。逐卷鈐用。以防盜。

換

例案

順治初年定。硃卷卷面。印官役姓名。以憑稽察。
乾隆十五年覆准。卷首草稿起處。用小紅印。印
草稿起三字。於草稿止處。印草稿止三字。

乾隆二十四年。議覆貴州巡撫周人職奏。擬
實試墨卷摺扣寬。不過四五寸。而高至一尺四
九寸不等。工子於矮屋之中。勢已跼蹐。且號
窄狹。不啻平整。書寫難以展舒。請做照本意。

樣定以適中尺寸幅數應如該撫所請嗣後
會試卷總以官尺校定長一尺寬四寸爲準
又稱頭場二場文字已經裁省試卷毋庸過長等
語嗣後鄉會試頭場二場試卷各減去空白一
頁紅格二頁其三場仍係五道試卷應照舊式
辦理再墨卷頁數既經裁省硃卷亦應酌減查
硃卷向係寬幅但各省印造行格多寡不同今
擬每頁二十四行行二十五格頭場二場俱用
七頁三場用八頁禮部頒發卷式行令各直省

一體遵行

乾隆二十五年議准雲南布政使碩濟業經奏
嗣後各省鄉試卷正面背縫全用藩司印信
歸畫一除順天鄉試卷向用府尹印信外
外再查江南鄉試上下兩江巡撫係輪流監
率同派丞道員辦理闈務其蘇州江甯兩布政
使向不赴闈辦事且現今安徽又設布政使一
員其該省鄉試墨卷應用何衙門印信之處令
該督撫於鄉試之年隨時酌量咨明禮部存案

其餘各省通行遵照辦理。查江南試卷歷經該撫咨明就近鈐用江
寧藩司印信。惟乾隆五十三年。准兩江總督咨
江寧藩司。因帶印赴淮防汛。請用巡道關防。經
禮部奏准。暫用監臨巡撫關防。
嗣後仍俱用江寧藩司印信。

乾隆二十七年議准。試卷用布政使印信。所有
背面經歷司銜名之上。仍用印卷官字樣。

又覆准廣東墨卷。歷科俱係硃綫界劃。應仍照
舊辦理。

乾隆三十三年奏准。據山西巡撫蘇爾德咨稱。
硃試硃墨試卷。向用布政使印信。今筵宴出防。

狀請巡撫。擬試卷內應否仍用布政使印信。分別墨等用紅硃卷用紫又墨卷首頁同例。爲應布政使鄉試。今應否收爲應山西巡撫鄉試等語。查各省鄉試硃卷有用監臨官關防者有用布政使印信者有竟無鈐用印信關防者硃未畫一嗣後各省鄉試硃卷照順天鄉試及會試之例於硃卷接縫處鈐用彌封官土紅色關防其各生墨卷首頁開寫履歷亦應照順天鄉試之例書寫某生應某年某省鄉試字樣毋

庸開寫布政使官銜。

乾隆三十六年議准。鄉會試卷尾。印卷官戳記。向用藍色。宜一例酌改。嗣後各省鄉試。及會試。印卷官戳記。及一切應用藍色之處。俱改用紫色。以歸畫一。

又覆准。場內應用藍色之處。改用紫色。原指題中。刷用戳記。及一切書寫字跡而言。其三場硃卷印格。並未議及。應照順天鄉試硃卷印格。用墨刷印。一例辦理。

乾隆五十四年。軍機大臣會同禮部議覆給事中馮應榴條奏。順天鄉試及會試印卷時。以四十本爲一束。於試卷送進時。逐卷鈐用監臨知貢舉關防。

試卷

官辦試卷

現行事例

一鄉會試卷。令提調辦置。不許招立卷戶。其卷價每本定爲一錢二分。紙價工費之外。盈餘卷價。卽爲辦事官吏人等飯食之費。如有私行增價重戥。多行需索者。查出係官。卽行叅奏。係吏卽行嚴拏究處。分別治罪。

一會試。先期計算卷數。應用若干。行文戶部。移

取顏料庫白棉榜紙。給付提調製造。俟士子領卷之後。照戶部原定價值。加數歸款。鄉試仍由提調自行

置辦

一鄉會試硃卷。責成提調官。務用堅厚細紙。如有用薄紙。任意草率者。查出題叅。

一鄉會試。停止預備空白印卷。士子有污損錯誤者。不准換易。

一鄉會試卷。俟投齋後。然後鈐印。會試由禮部堂官。鄉試由順天府尹。直省布政使。於印卷時。

親行監視。

例案

雍正十一年議准。鄉會試卷。每本定價一錢二分。令該提調官自行辦置。不許再招卷戶。其紙價工費之外。盈餘卷價。卽爲辦事官吏人等飯食之費。若有再立卷戶。仍前增價重戥等弊。查出照例叅處。

乾隆三年覆准。科場試卷。從前原係卷戶置賣。後因卷戶多有增價重戥等弊。是以雍正十一

年定例。令提調官置辦試卷。但不能不假手吏胥。誠恐此輩奉行不善。仍不免有派累需索之處。亦未可定。應一併令順天府及各省督撫。嚴行禁止。倘有不肖官吏。將科場需用等項。并舉子試卷。仍行攤派擾民。或於定價之外。多行需索者。係官該督撫等。卽行題參。係吏卽行嚴拏究處。計贓照因公科斂例。分別治罪。如該管上司徇隱不報者。該督撫查出。一併題參議處。

乾隆十五年奏准。會場試卷。按照士子投文。

數。每科三場。約備一萬五千餘本。派令司員預
期製造。其需用紙張。向由行戶一家專辦。以致
居奇。高索價值。且紙多作偽。漬以灰粉。士子每
苦書寫艱澀。前歲戊辰科。飭令辦卷人員。另買
白棉紙製造。較前稱便。惟臨期各處購買。紙色
未能畫一。查各部院辦理案件。係由戶部顏料
庫支領白棉榜紙。其紙潔白堅潤。易於書寫。明
歲辛未科會試。請計算卷數。應用若干。行文移
取。給付辦卷人員。刷印製造。俟士子領卷之後。

照戶部原定價值如額歸款。

乾隆二十四年覆准。硃卷多用薄紙。校閱爲難。嗣後應再申飭提調官督率謄錄對讀所官。務用堅厚細紙。成錠銀硃。倘有不遵成例。經磨勘官查出。將監臨提調官查叅。

乾隆四十三年。大學士公阿桂等奏准。會試應用各項紙張。係由部庫領出。如有餘剩。例應繳還部庫。但歷科均未據報有贏餘。及剩紙繳庫之事。應請自本科爲始。將所用各項紙張。交

禮部堂官查覈實用確數。如有贏餘。按數繳庫。乾隆五十二年。大學士九卿奏准。闈中例有空白試卷。以備士子污損錯誤。臨時換給。此項試卷。俱鈐有印信。誠恐士子賄囑承辦書吏。將印卷偷買。並勾通巡場人役。預先攜帶入場。將場中尾末空號。私行截用。闕會連號之生。彼此將官領印卷藏匿。以私買空白印卷。混入號舍。代倩作文。嗣後應將預備空白試卷之例。概行停止。並飭令禮部堂官。順天府府尹。直省布政使。

於印卷時親行監視以防盜印。應試士子人各一卷。不准換易。

嘉慶十二年吏部左侍郎玉麟等奏稱。順天鄉試。例應八月初六日將冊卷送入內場。以便初七日黎明督同外簾官鈐用坐號。乃順天府辦理遲延。再四嚴催。於初七日辰刻始將卷冊移送至公堂。當經按冊覈對。其中有名無卷。有卷無名者甚多。並將未經投卷之士子一併列入印卷簿內。以致鈐用號記紛擾不清。至各項官

字號皿字號均係按卷數之多寡定取中之名額。所開匪細。豈容稍有錯誤。此次冊送如應編北皿之貢生雷汝楫等。誤編貝字號冊內。經外簾官隨時查改者不一而足。又御史喜敬之子文成。副考官桂芳。應行迴避之胞弟桂萑等五名。均係官卷。誤列民卷冊內。此外編號錯誤。無憑查覈者。尙屬不少。所有順天府治中戴彭齡。糧馬通判袁輝。係專辦卷冊之員。乃舛錯遺漏。以致紛紛查改。連夜趕辦。直至初八日黎明尙

未清結。幾誤點名散卷。實屬怠玩。請

旨將該二員交部嚴加議處。提調官順天府府丞熊枚
職司督辦。未能先事查催。以致臨時掣肘。府尹
宋銘兼管府尹鄒炳泰。均有董率之責。咎亦難
辭。應請

一併交吏部都察院分別議處等因奉

此。又順天鄉試名冊試卷辦理遲延舛錯。經玉麟等
參奏。所有專辦冊卷之治中戴彭齡。糧馬通判袁軍
等交部嚴加議處。並著順天府速派妥員接辦。

事宜將該二員撤退聽候部議。府丞熊枚職司提調伊係棄瑕錄用之人。乃年老懈弛不能先事督催致有舛錯亦著交部嚴加議處。鄒炳泰宋銘著交吏部都察院分別議處。欽此。

道光二年會試知貢舉廉善等奏。奉本科會試查得陝甘三場霜字二十六號試卷一本。與各卷計多四幅。又湖北三場玉字六號試卷一本。計多一幅。所備謄錄硃卷均不敷謄寫。除飭令將硃卷添幅發交謄錄外。相應將承辦試卷錯

誤各員據實叅奏等因奉

旨。此次會試三場試卷有增多篇頁之處實屬辦理錯誤。所有禮部承辦各員著交部照例分別議處。欽此。

道光六年。准吏部咨稱。准至公堂移會。道光六年三月十七日。本堂具奏三場試卷不敷騰寫。據實叅奏。一摺。查得三場舉子田稊試卷一本。劉紹徽試卷一本。較各卷計少三頁。均不敷騰寫。查頭二場卷每本應二十二頁。三場卷每本應二十五頁。今此兩卷均少紅格三頁。查係將

頭二場卷誤作三場卷係承辦之員疎忽所致
惟聞中例不預備空白試卷議將三場不到之
廢卷裁用紅格六頁發交該舉子謄寫外請將
承辦之員交部議處

道光三十年片覆戶部白棉榜紙一項專爲製
卷而用所以每科前歲冬季領紙三萬張次歲
二月賣卷後繳銀三百兩原恐此項紙張購買
難得致悞場期且製造會場試卷每科皆於十
二月底刻板正月初旬開工刷印二月十五日

以前告竣茲據片稱庫貯無存若俟折價給領再爲採買勢必至有誤場期現在本部業經籌款給付辦卷人員趕緊採買紙張開工製造此項折價銀兩自應毋庸借領戶庫將來亦毋庸繳還以歸簡易。

附載舊例

康熙十六年議准鄉試順天府預備空白試卷十本會試禮部預備空白試卷十本交與監試御史遇有失錯污損等項查明給發補換。康熙二十六年覆准順天鄉試原有空白試卷十本交與監試御史如遇失錯污損等項許查明給發嗣後應多備空白卷候用。

康熙四十一年議准有願作五經者不必禁止
另備長卷許本生稟明給發

附載駁案

道光二年禮部議駁御史龔鏗條奏請嗣後仍
循舊例鄉會試俱預備空白印卷一二十本查
明給換等語查康熙年間舊例原有預備空白
印卷以備污損換給之事嗣於乾隆五十二年
經大學士九卿議准概行停止遵行至今係爲
防弊起見未便輕議更張且恐此端一開該舉
人等於試卷一有污損紛紛呈換所備空白一
二十本勢必不敷換給辦理稍不盡一轉不足
昭平允亦毋庸議等因奉

旨依議欽此

試卷

士子投卷

現行事例

一順天鄉試。由國子監及學政。將錄科羅試等冊。註明年歲籍貫。移送順天府。各省鄉試。由學政送布政使衙門。交該收卷官。於投卷時詳加覈對。倘有不符。不准收卷。仍將底冊送提調監試等官查覈。

一八旗試卷。鄉試由順天府。查明錄科名冊。及

馬步箭冊俱有名者。方准入場。會試由禮部查照箭冊收卷。

一直省舉人會試。由禮部司務廳詳查文冊。對收卷。仍將底冊移送監試提調查覈。

一鄉會試。由該收卷官定期投卷。並將填寫卷面式樣。揭示各士子。令其親自填寫年貌三代籍貫。對明投納。

一鄉試中式舉人。年貌三代籍貫。另造清冊。同親洪一併解部。以憑覈對。

一會試舉人業經選授教職者卷面填寫某縣
教諭訓導字樣如現充教習者卷面亦應填寫
一會試士子投卷自二月初一日起至三月初
一日止其實因途遠遲誤者定於初四日截止
逾限概不收納

例案

康熙四十四年題准順天鄉試諸生務在場期
五日以前投納試卷逾限不准入場

道光十七年議准嗣

後卷結同投不准補結其有截止後始
行投結者即予扣除詳載入闈點名

康熙五十二年定。鄉試諸生投納試卷逾限。如係咨送考試冊遲延者。仍准送試。

乾隆三十年議准。凡應羅試者。學政取錄之後。將名冊知照順天府投卷。

乾隆三十四年覆准。嗣後凡遇鄉試之年。各直省學政。造送錄科錄遺等冊。均照順天鄉試之例。將年貌籍貫註明。移送布政使衙門。交該收卷官。於收卷時詳加覈對。倘有不符。不准收卷。仍將底冊移送提調監試等官查覈。

嘉慶十六年議准。嗣後凡遇鄉試中式舉人卷面及親供內。均令該士子等。將三代填註。每科仍於所送親供外。將新中舉人年貌三代。另造清冊一本。解部以憑覈對。

嘉慶十八年覆准。鄉試士子投卷時。各將卷面上。一律填註三代籍貫。

嘉慶十九年覆准。安徽舉人吳寶潤。係大挑二等。以教職選用。嘉慶十八年選授江蘇沐陽縣訓導。尙未到任。其會試卷面。應填寫沐陽縣訓

導字樣

又覆准。山東新選鉅野縣教諭張柯。據該撫將該員文憑暫存。給咨會試。所有該員卷面。應填寫鉅野縣教諭字樣。

道光十七年。議覆御史巫宜禎奏稱。近來鄉會試卷面。概聽書吏包納填寫。並有假稱長班。攬文卷包取印結代投。其未投卷結者。輒勾串朦混註冊。給與卷票。總由不必親填卷面所致。嗣後應責令知貢舉監臨出示曉諭。如查有包

納填寫者。嚴鞫究治。該士子不親填卷面。以筆蹟不符論。場內准受卷官查貼中卷經磨勘官查出。照例議處等語。查鄉會試卷。例應由收卷官定期投卷。並將卷面式樣。揭示各士子。令其親自填寫。年貌三代籍貫。對明投納。原不准假手吏役。今該御史所奏。係屬申明定例。應請嗣後鄉會試。由順天府及臣部先期出示曉諭。飭令該士子等。恪遵功令。親書卷面投納。並責成該收卷官。時加查察。必須士子投卷。方准給與

卷票如有書吏等包納代填。卽行嚴究懲治。誠能遵照定例。認真辦理。則書吏無從假手。自不能朦混註冊矣。至該御史所奏。受卷官查貼磨勘官查議之處。查磨勘各官。原令嚴勘中式文理。並硃墨卷有無不符。受卷官於士子投卷後。查看卷內有無違式。及添註塗改字數。是否相符。爲時亦甚忙迫。若再令其一一核對卷面。勢必辦理不及。該御史所奏。事涉煩瑣。應毋庸議。再原奏內稱。順天鄉試。應令仿照會試例。於前

一月內定期收卷等語。查會試投卷例於二月初一日起。咨文隨到隨投。至順天鄉試各生監須俟國子監順天學政錄科造冊咨送後方准納卷。與會試情形不同。應請仍令照舊辦理。再查例載會試士子投卷於三月初一日止。其實因途遠遲誤。於初六日進卷前補投者亦准入場。原於例限之中。曲示體恤之意。惟限期過寬。士子等往往任意玩延。至初五日始行紛紛投納。臣部繕寫序進牌及點名各冊。必須連夜趕

辦實形匆迫臣等公同酌商。嗣後會試投卷限期。仍照例於三月初一日截止。其有實因途遠遲誤。請改定於初四日截止。如有逾期始行投文納卷者。概不接收。庶爲時稍寬。辦理可期。無誤等因奉

旨依議。欽此。

附載舊例

嘉慶二十二年。議奏御史周鳴鑾條奏。嗣後會試。於三月初二日以後。赴部投卷者。一概不准送考等語。查例載各省舉人會試。自二月初一日起。至三月初一日止。咨文隨到隨投。由部先

行出示。歷科遵辦在案。而初一日以後續到者亦准備卷。蓋由各省士子齋文徑投禮部與鄉試生員由學臣錄送貢監由監臣錄送均預定錄科考試日期可於場期十日前截止者不同。且各舉子跋涉來京間有因風雨阻滯以致逾期投卷若概不准補送則續到者未免向隅。應請嗣後投交仍以三月初一日爲限其實因途遠遲誤於初六日進卷以前續行備卷補送者仍准入場以示體恤。

附載駁案

道光二年禮部議駁御史龔鏗條奏會試投卷事宜一摺。查該御史所奏凡初七日到京赴部投文者俱准備卷補送恐補送時已在至公堂將試卷挨次分束之後則前後紛紛插入次序既易紊亂而點名給卷各檔冊內應須續入該舉人姓名者亦有十餘分之多爲時既迫恐滋

外銷場內場外。諸多格礙難行。應毋庸議。

欽定科場條例卷十七

同堂校閱

現行事例

一主考與各房同坐一堂內監試與主考對坐
至日晚查所閱硃卷入箱正副主考同監試親
加封鎖次日公同開閱

一考官徧閱三場先錄其全瑜者首場雖佳而
後場草率者不得取中首場平通而後場明確

通達者亦得取中。如頭場疵謬雖二三場可採
仍不准取中。此項由二三場取中之卷均令主
考將取中緣由批於卷上聽候磨勘不得遺漏
聲明致滋弊竇

一主考閱卷惟儘佳卷取中不必拘定房分其
榜中名次惟憑三場文藝校其高下亦毋庸拘
泥房首名色。

一房考閱卷不得干預別房飲食寢宿各歸房
舍不許往來私訪聚談違者聽主考及內監試

題叅。

房考閱卷。隨閱隨呈。聽主考去取。房考不得
爭執。違者指叅。

考呈薦荒謬之卷。不將佳卷悉行呈薦者。
主考。曾同內監試題叅。

一同考薦卷。內監試驗明內無私通小帖。方送
主考收閱。如同考內有暗通關節。而正副主考
姑容取中。聽內監試題叅。若內監試失察。而別
經發覺。將內監試一併議處。

一同考閱卷。止許句圈句點。不得滿篇密圈密點。混呈主考。內監試驗明。送正副主考詳閱。圈點照例批註。填榜後卽行封鎖。

一中卷副考官書取字。正考官書中字。薦卷房考用薦卷條記。其條記交內監試收掌。隨時印用。呈送主考。不得於撥房既定後補印。以致忙錯。其未經呈薦之卷。一概不准任意添用條記。一同考薦卷。將應薦之故黏籤加批。俟取中後。仍於卷面註明。以昭覈實。

一順天鄉試及會試正副主考將試卷公同批閱不得分省校看以一人意見遽爲定評。

一薦卷應駁者抹出不中緣由明註批語。

一落卷房考已經批抹者經主考官搜出佳文仍行取中。同考官不得違例補用薦條。至主考官搜出落卷公同研覈實係應中之卷將緣由於卷面批出取中後聽磨勘官悉心詳閱如文內有干例議專坐主考同考無涉。倘所搜允當無可訾議將不行呈薦之同考官嚴加議處。

一各房落卷俱令同考官批出不薦緣由放榜後令本生領取原卷閱看如同考官妄抹佳文本生卽赴部具呈查明糾叅若本生文本平常而不安義命妄行呈控者除革黜外仍交刑部從重治罪

一房考閱卷止准就所分之卷閱看不得互相抽閱每日看畢交內收掌眼同內監試包封堂上不准攜入所住各房違者主考會同內監試指明叅奏。

一房考閱卷將詩文優劣暨所以薦與不薦之故於卷內註明其未經呈薦之卷主考搜出取中止准列於五十名後不得濫置前列其原中及搜出取中各卷正副考官各自加批有遺漏者議處。

一房考閱過若干卷分註薦卷統交監試收存主考搜閱時由監試交送。

一士子默寫頭場詩文主考於填榜前將中登比對如互異在十字以內者仍可取中至歧誤

過多。優劣迥別者。概不准取中。

例案

順治二年定。主考與各房同坐一堂。隨分隨閱。隨取隨呈。去取權衡。專在主考。不得但憑房官薦閱。倘有執拗憤爭者。卽會同監試提調指叅。順治十六年覆准。司試各官。分別三場。徧閱合訂。先錄其全瑜者。若首場工而後場不稱。黜不與選。首場平通而二三場詞理博雅。斷據詳明者。並與收錄。

順治十七年議准。凡考闈中作弊。許主考不時
據實糾叅。或主考通同房考作弊。內許監試御
史。外許該撫按不時糾叅。

又議准。闈中遇有薦卷應駁者。抹出不中緣由。
明註批語。至於同考閱卷之時。同堂公閱。不許
私相商訂。飲食寢宿各歸房舍。不許齏論縱談。
責成主考嚴行申飭。如有故違。立刻挾出。具題
叅處。倘主考官徇庇不舉。該撫按體訪得實。一
併題叅。

康熙十八年覆准順天鄉試及會試添設內簾
監試御史正副主考同考入闈各歸本房不許
私訪聚談至閱卷時同考官各以薦卷置中間
案上御史驗明內無私通小帖方送主考收閱
如有情弊卽行糾叅如同考內有暗通關節而
正副主考姑容取中聽御史卽刻題叅若同考
不將佳卷悉行呈薦並將荒謬之卷妄薦者正
副主考會同御史查明題叅同考閱卷佳者止
用句圈句點不許滿篇密圈密點混呈主考御

史驗明送正副主考詳閱圈點照例批註填榜
之後卽行封鎖其各房落卷俱令各同考官批
出不中緣由出榜之後令本生領取原卷閱看
如同考妄抹佳文本生卽赴部具呈查明糾叅
若本生文原不佳妄行控告除革黜外仍交刑
部照誣告例從重治罪。

又議准考官私訪聚談薦卷私通小帖所閱硃
卷私帶入房凡係場內目擊等項情弊御史容
隱不行指名題叅別經發覺御史降二級調用。

康熙二十六年覆准從來定例三場卷內並無避諱考官名字之條主考同考每以試卷內犯考官名字黜落佳卷嗣後凡考官名字不必避諱。

康熙五十年議准主考官向止閱房考呈薦之卷今既寬限揭曉嗣後主考官應將房考薦卷外餘卷亦加徧閱庶佳卷不致遺落。

雍正元年議准房考官例照額分中各有定數雖佳文甚多不得增於額外卽甚少亦必勉強

足數。真才遺落。多出於此。嗣後惟儻佳卷取中。不必拘定房分。

又議准。主考有搜查落卷之責。房考批抹之交。主考搜出佳文。仍行取中。至於房考理應細心詳閱。如文字內字句隱僻。一時不能看出。以致塗抹。應寬免處分。若文理明顯。挾私妄抹。仍照定例行。

乾隆元年奉

上諭。國家制科取士。爲主司者。務宜矢公矢慎。藻鑑不

爽以襄盛典。乃正副考官。各有各任。已見。不能和衷。去取之間。互相爭執。遂有庸格而濫充中額。佳文而反遭擯棄。夫衡文之道。公則生明。似此各懷成見。各挾私意。已失鑑空衡平之義。更何以表率房考。使之虛心甄別。銖兩悉稱乎。且分校者取舍未當。尙藉主考搜閱落卷。以補缺失。至於主考剛愎自用。致使去取不得其平。咎將誰歸。茲當鄉試。伊邇。凡有衡文之責者。各宜一洗積習。無負任使。至於三場取士斟酌。華實定制。已爲盡善。士子若果知古知今。二三場儘

足發并才調至頭場經我本代聖賢以立言自當循
循矩矱先民是程非四十六經濂洛關閩之粹言不
可闢入前蒙

皇考世宗憲皇帝特降諭旨以清真雅正爲主誠以庸
淫者非有物之言而詭異者非立誠之旨文品人品
恒相表裏雅鄭之分淄澠之辨不可不精也司衡者
尤宜留心區擇以得真才實學之士朕實有厚望焉
欽此

乾隆七年議准吏部左侍郎將傳奏稱外簾謄

送各卷例由各房考校閱呈薦。因卷數繁多。爲日無幾。恐有遺棄佳卷。致招物議。於中額已滿之後。將佳卷之未經呈薦者。添用薦字圖記。以掩人耳目等語。竊思掄才大典。爲房考者。自宜悉心校閱。使佳卷不致遺棄。庶入彀皆係真才。若因卷數繁多。疎忽從事。復於中額已滿之後。將未經呈薦之卷。空用薦字圖記。以沽名於場後。尤非真心辦事之道。此皆因房考薦卷圖記。向係自行用。以致任意增添。漫無稽察。伏查

內簾添設監試御史原令其查覈一切呈薦之卷驗明登號。今將各房考薦卷圖記一併收掌。卽於驗明登號之時印用。稽察更爲周密。應如該侍郎所奏。令各房考盡心校閱。其薦卷圖記一併交付內監試御史印用。

乾隆二十五年議准。主考搜出之卷。同考慮心悔悟。仍用薦條。毋庸置議。其有自執已見。不願呈薦。經正副主考公同研覈。實係理明詞正。應中之卷。將緣由於卷面批出。仍行取中。俟硃卷

墨卷到部交磨勘官平心詳閱其有干例議者專坐主考於同考無涉。倘所搜允當無可訾議應將不行呈薦之同考官照例嚴加議處。

又議准嗣後嚴飭考官細心察勘不得以二場經藝爲具文如有經旨荒疎勦襲膚淺者卽其餘皆有可觀亦不得濫行取中。倘經磨勘官指出考官及本生一體照例叅處。

又議覆江西布政使湯聘奏稱查同考官分房之數各省多寡不同亦必每房取中一名置之

前列謂之房首。未盡允當。請嗣後鄉會試。惟憑三場文藝。校其高下。以定榜中名次。毋庸拘泥從前相沿房首各名色等語。查科場條例。原無房首名色。果少佳卷。自可通融撥補。惟在主考官臨時徧閱通場。斟酌至當。不必預定規條。轉滋掣肘。

乾隆三十一年奏准。查房考薦條關係甚重。嗣後應令內監試官。隨時戳印。方許呈送主考。不得於撥房既定後補印。以致忙錯。

乾隆四十八年奉

上諭鄉會試派出主考房官秉公閱看試卷由內監試
按照卷數分爲十入束籤派各房閱看此定例也各
房官誠能細心檢閱矢公矢慎閱薦之後聽主考取
中自可甄拔真才卽有一二不肖房官欲通關節設
其人不在所分卷數之內亦無從作弊近聞闈中房
考於閱卷時竟有互相披閱之事如此則彼此通同
其流弊何所底止嗣後房官於分卷後止准各就所
分之卷悉心校閱不得互相抽看著主考官並內簾

監試御史時加查覈如有仍踵前轍者指名叅奏毋稍瞻徇欽此。

又議准房考閱卷每日看畢交內收掌眼同內監試包封堂上如有私帶入室者著主考會同內監試指名叅奏。

又議准嗣後令各房考於頭場閱薦既畢即將二三場通行細閱如實有出色佳卷仍准補薦頭場聽主考官酌量取中若頭場制藝疵類過甚卽二三場間有可採亦不准取中。

乾隆五十四年奉

諭昨召見侍郎鐵保詢以本年會試闈內閱卷情形據奏此次中式各卷內同考官未經呈薦經正副考官搜閱落卷因而取中者甚多中定之後始發交同考官補用薦條殊屬非是鄉會試設有正副考官及同考官原恐一二人衡鑒未當是以必待復加甄閱以昭慎重且使彼此互相防範難以舞弊徇私既云落卷則同考官初閱時自必以其文不佳或詢句中定有疵類是以未薦迨經正副考官搜出後同考官

亦應將其所以不薦之故，錄出相商，或此類尙小，我
不掩瑜，方可取錄，何得一經正副考官搜出，取中，卽
爲補用薦條，似此隨同阿附，與外省督撫保題，卓薦
業經定有其人，始發交兩司補詳者，何異不特相率
爲僞，甚至通同一氣，徇情作弊，何不可爲，殊非公明
甄錄之道。況如此辦理，卽設正副考官足矣，又安用
同考官爲耶？向來同考官閱卷時，於指出疵類處，所
僅自登記，不准於卷上批寫，所以正副考官搜出，取
中後，得以授意同考各官，將從前批壞之語，掣去，補

用薦條遂爾泯然無迹此係歷來場中之弊朕今始知嗣後應令同考官於閱卷時卽將詩文優劣所以薦與不薦之故均在卷內註明其正副考官於原中暨搜出取中者亦應將取中之故批註卷上俱交磨勘官秉公覆閱具奏候朕欽定庶得中者知其公不中者亦無可怨蓋人之衡鑒原不能毫釐無爽然於可上可下之卷一時不能鑒別尙屬事之所有若以佳者爲劣及以劣者爲佳非任意屈抑卽屬有意營私是非顛倒一經磨勘或料道執其卷以糾叅情弊

顯然如弊在同考官則應治同考官之罪如弊在正副考官則應治正副考官之罪不得仍前隨意附和徒滋外間橫議又據鐵保奏此次取中之第二名卽係王杰搜出第三名卽係鐵保搜出更屬非是同考官共有十八人學問豈盡平庸其所取之卷又豈盡不如王杰鐵保所搜之卷乃必以正副考官二人所取之卷拔置前茅若曰無弊其誰信之朕臨御五十餘年辦理庶務無不兼聽並觀折衷至當從不膠執已見乃王杰鐵保於掄才大典不能虛衷商確惟以

師心自用。無怪士子等退有後言也。朕若另派大臣將已中在後各卷通行覆閱。互相比勘。此內同考官薦中之卷。恐未必竟無勝於第二第三名者。若有較勝之卷。而列置在後。朕亦無難治王杰鐵保以不公之罪。但此乃立例之始。朕從來不爲己甚。是以不加深究。總之落卷不搜。則權在同考官。弊竇易生。自應准正副考官將落卷嚴行搜閱。以免遺珠。但搜中之卷亦止准列於五十名之後。不得濫廁前列。所有此次搜中之第二第三名俱著改列五十名以後。並將

此旨恭錄刊刻。懸貼於各省闈場內外。俾考官觸目警心。而應試士子等。亦得傳觀。咸喻朕揀別真才。鑑空衡平之至意。將此通諭知之。欽此。

乾隆五十五年。太僕寺少卿文源奏准。三場對策。固以淵博爲長。尤必與頭場合校。頭場明通。始可兼錄。請嗣後闈中以三場取中者。令主考將合校頭場之處。批明卷內。聽候磨勘。仍不得叨列前茅。以防冒濫。

乾隆五十七年。奉

上諭據覆勘鄉試試卷大臣等奏本年各省鄉試取中之卷除陝西湖北湖南三省正副考官俱有批外其餘順天等八省有正副考官總批一卷及同考官未批者辦理疎忽請將考官及內簾監試交部議處等語前因鄉會試同考官等閱卷時於指出疵類處所僅自登記不於卷上批寫易致弊竇曾降旨令同考官將詩文優劣均在卷內註明其正副考官於原中暨搜出取中者亦應將取中之故批註並令禮部通行各直省將此旨懸示至公堂俾各知所遵循今順

天等八省正副考官同考官以及內簾監試並未破謹
閱看前旨遵照辦理疎忽之咎實所難辭不應予以
議處但念此次初定章程奉行伊始考官等或未盡
明晰以致各省辦理參差彼此不能畫一且應議考
官及內簾監試共有八省人數未免較多著加恩此
次姑從寬免議嗣後各直省正副考官及同考官於
取中之卷皆當細看至公堂之旨務須各自加批毋
得仍前疎忽如再有遺漏必將該員等照例議處不
能再邀寬宥並著將此旨與前旨一同懸掛各直省

至公堂上。明白曉諭。至所稱湖南省張力卓一卷同考官原有藍筆批語。原勘官誤認未批。應另行照例議處一節。現在各省考官既經免議。所有原勘官錯誤之處。亦著加恩寬免。欽此。

乾隆五十八年奉

上諭。向來順天鄉試及禮部會試。同考官分別十八房校閱時。自應各就所分之卷。盡心詳閱。呈薦原不得彼此互看。致生弊端。並將本省應行迴避之卷扣除。自屬可行。至於正副考官係朕親可派大臣。必當將各

房呈薦之卷悉行批閱如彼此意見相同方能取中
何得亦同房考之例各人分看且正副考官將本省
之卷迴避不閱則外間舉子更可預擬某主考分看
某省轉致揣度鑽營是防弊而適以致弊况各房考
呈薦之卷至多亦不過四五百本主考三人在闈一
月之久何難逐卷共相品評以期棄取允當乎今聞
此次會試考官係屬分省閱卷殊屬非是姑念相沿
舊習不加深究嗣後順天鄉試及會試正副考官務
當將各房考呈薦之卷公同批閱庶不至以一人意

見遽爲定評。以致佳卷或有黜落。而文理平庸者。得以倖取。若考官等經此次訓諭之後。尙敢仍前分閱滋弊。或經監試科道糾叅。必將該考官重治其罪。決不寬貸。並著將此旨載入科場條例。永遠遵行。以副朕遴選真才。慎重登俊至意。欽此。

嘉慶五年。軍機六臣等議覆給事中銜尹壯圖條奏。請

勅下主司嚴搜落卷一款。查鄉會試正副考官。原往搜取落卷。科場條例內載落卷房考已經批抹者。

主考官嚴搜如有佳文。行取中。其有考官自
執己見。不願呈薦者。主考官公同研覈。實係應
中之卷。將緣由於卷面批出。聽磨勘官悉心詳
閱。如文內有干例議。專坐主考。同考無涉。倘所
搜允當。無可訾議。將不行呈薦之同考官嚴加
議處等因。遵行在案。條例分明。主考房考各有
處分。況近年來並無主考搜取落卷。房考爭執
之事。毋庸另立科條。惟所奏房考於頭場正卷
薦畢後。各將落卷送主考搜閱。事近可行。而尙

未明晰。蓋試卷逐日分房閱看之後。或薦或落。已有一定。原無須積留房考慮。恐啟彼此互查之弊。且正卷薦畢。期近揭曉。以盈千累萬之卷。交送主考。安能搜閱。仍屬有名無實。查同考官薦卷。本交監試印用。薦條請嗣後每日房考將閱過若干卷。分註薦卷。統交監試御史存貯。主考搜閱時。由監試交與。則主考得以從容翻閱。而房考亦無所用其金。執。是否如此辦理。俟命下。載入科場條例施行。奉

旨主考搜閱落卷亦係現行事例所有議令各房考落卷由監試御史交送一節著禮部載入科場條例欽此。

嘉慶八年奏准查向例二場點寫頭場詩文互異在十數字者俱免議竊思摘寫頭場詩文字數無多若錯至十數字恐有情弊應請嗣後默寫頭場惟互異在十字以內者方准免議。

嘉慶十年奉

上諭據給事中汪鏞奏稱鄉會試閱卷必先頭場文藝

再校二三場經文五策俱各勻稱方可取錄伊於嘉慶四年曾充同考官閱三場策卷後面先有墨筆記註圓尖圈點實屬違例茲當會試之期恐仍襲前轍主試先閱三場試卷既胸有成見同考官或藉以迎合致開倖進請旨飭令總裁官遵照成例先閱頭場薦卷再閱後場以定去取不得將三場試策預爲記註以防流弊等語所奏甚是鄉會試三場並設經文策對原與制藝並重然必須先閱頭場文藝擇其清真雅正合格者再合校二三場取經文之賅洽策對

之詳明。自能鑑拔通才。卽二場試卷亦必應俱令同
考官先行校閱。遴選薦備。然後正副考官再行覆校
並搜查遺卷。如果同考官校閱不公。致令真才屈抑。
原許考官等指實効叅。若試卷未經房考分校以前。
考官輒先行披揀。分別記註。殊非遠嫌之道。且主試
官先有成見。以爲取舍。亦何以服眾士子之心乎。嗣
後著考試官恪遵定例。先閱頭場。後閱二三場。先校
薦卷。後搜落卷。務宜恪秉虛公。以冀廣收俊乂。所有
此次會試。卽著禮部將此旨恭錄一道。交知貢舉傳

諭總裁官知之欽此。

道光二年給事中王松年奏同考隨薦加批一摺奉

上諭同考官薦卷順天鄉試及會試向不加批取中後始行補加薦批亦恐草率遷就之弊嗣後並著分校各員於呈薦之卷將所以應薦之故黏籤加批聽主考官酌定去取俟取中後仍於卷內註明以昭覈實欽此

附載舊例

乾隆五十二年奏准各生於二場試卷謄真後
默寫頭場或首藝二次藝或小講或起比或中後
半篇或試帖一首聽考官臨時酌令默寫於填
榜前先將中卷比對如互異在十數字以內文
義不堪相懸者仍可取中至歧誤過多優劣迥
別者概不准取中直省一體遵照

附載駁案

乾隆二十五年議覆御史李宜青條奏查鄉會
試三場並重久垂令甲乾隆二十一年欽奉

諭旨將

經文四篇移入二場原欲使士子從容結構各
盡所長而考官於二場專校經藝則耳目既無
龐雜去取益見精詳此誠崇經勵學斟酌盡善
之良法至經文潦草濫行取中者例干叅處在
考官自顧考成自不敢專重頭場恕取經藝濫
行入彀若如該御史所稱書文經藝均代聖賢
立言可以先看頭場卽可以先看二場十四五
日二場試卷卽可謄送內簾等語查鄉會試自

受卷之後彌封謄錄對讀逐層辦理各有日期
頭場進卷於十三日爲始其二場卷至十八日
方得發謄此數日次第謄寫謄錄人等萬不能
舍頭場而先顧二場之理若令參差謄送是內
簾官必待至十八日後方得閱二場之卷則頭
場之卷當於何時校閱旣已閒曠於前必至叢
脞於後種種不順場中萬難遵行不僅倒置場
規體制不協己也所奏應毋庸議

道光四年議奏御史程德潤奏稱內簾章程各
房分卷閱薦由內監試鈴用薦條彌封呈堂總
鼓主考官虛心校閱取中等語查房首名色本
非定例均勻撥房正以杜遷就本房之弊其受
撥之房例在自擇者以磨勘時如有應議之處
卽處分受撥之房官故聽其自行閱定今該御
史請將各房薦條由內監試彌封呈堂俟寫草
榜時再行拆閱意在杜絕考官周旋房考之弊
惟內簾分卷例由主考官眼同內監試收掌官
按束擊籤分給各房今欲使主考官不知某卷

在某房則掣籤分卷時主考自先不應與聞分
卷事宜僅聽監試收掌辦理殊與定例未符且
該御史所稱彌封薦條一事係專指薦卷而言
查科場落卷例准主考搜閱今若欲防考官瞻
徇勢須無論薦卷落卷一律將第幾房號戳彌
封則通場卷數浩繁幾與外簾數目相等查外
簾彌封所官四員書手三十二名匠役十名專
司彌封事宜內簾除滿漢監試御史二員專司
糾察封門發題進卷分專各事宜外祇有內收
掌官二員辦理分卷及卷面號印已甚紛繁勢
難再令兼顧彌封事宜若照外簾之例添設彌
封官吏匠役一分所需住房及辦事之所現在
內簾並無隙地無所增蓋又查道光二年九月
給事中王松年條奏鄉會試同考官隨薦加批
一摺奉

上諭同考官薦卷順天鄉試及會試向不加批取中後
始行補加薦批亦恐啟草率遷就之弊嗣後並著分
校各員於呈薦之卷將所以應薦之故黏籤加批聽
次正斗易系列卷十七 同堂校閱 三

論可見

主考酌定去留。俟取中後。仍於卷內註明。以昭覈實。欽此。欽遵在案。若如該御史所奏。勢須將所加批詞。一並彌封。方可杜辨認筆跡之弊。既與體制未協。且多格礙難行。臣等公同酌議。主考官房考。同堂閱卷。勢難令其隔絕。恭查條例內載。乾隆五十四年。奉有落卷經考官搜出。同考官應將所以不薦之故。籤出相商之。

內簾閱卷。雖暗通關節。及專擅爭執之弊。必須嚴防。至商論文字得失。原所不禁。似應遵循舊章。不必更張。轉滋窒礙。該御史所請將各房薦條彌封呈閱之處。應毋庸議。

咸豐元年。議覆御史王茂蔭奏稱。近時考官專取頭場。請自下屆鄉會試爲始。經策並重等語。查定例。鄉會試頭場試以制藝。試帖。二場試以經文。三場試以策問。考官衡文。合三場以定去取。必求其前後相稱。方可以得真才。固不得先存定見。專取頭場。使空疎者得以徼倖。亦不可豫設成心。偏重二三場。使涉獵者得以揣摩。若

如該御史所奏非經筵出色者不得拔登魁選
經策出色而制藝荒疎亦得倖邀中式殊與取
士之法未合所奏應毋庸議。